

Headline	PHKL jangka lebih 40 pasukan sertai Liga Hoki KL 2020		
MediaTitle	Utusan Sarawak		
Date	27 Jul 2020	Language	Malay
Circulation	37,981	Readership	113,943
Section	SUKAN	Page No	45
ArticleSize	127 cm ²	Journalist	N/A
PR Value	RM 2,268		



PHKL jangka lebih 40 pasukan sertai Liga Hoki KL 2020

PERSATUAN Hoki Kuala Lumpur (PHKL) merancang untuk menganjurkan Liga Hoki Kuala Lumpur 2020 dan Karnival Liga Veteran, selaras dengan langkah pemulihan pandemik Covid-19.

Presidennya Datuk Seri Megat D Shahrizan Zaharudin berkata PHKL menjangka lebih 40 pasukan akan menyertai liga tahunan yang dijadual berlangsung mulai September hingga Disember ini.

"Sebanyak tiga divisyen akan dianjurkan, iaitu Divisyen Perdana, 1 dan 2, dan kami bercadang untuk menjemput pasukan terkenal seperti **Tenaga Nasional Berhad (TNB)** dan Maybank, selain pasukan dan kelab hoki di sekitar Kuala Lumpur dan negeri lain.

"Daripada penganjuran liga ini, kita mahu memastikan usaha mencungkil bakat diteruskan. Pemain dan kelab di sini terus berdaya saing

serta wabak Covid-19 tidak melenyapkan sukan hoki. Bagaimanapun, semua pihak perlu mematuhi norma baharu dan prosedur operasi standard (SOP) yang ditetapkan," katanya pada sidang media selepas mempengerusikan mesyuarat berkaitan penganjuran liga tersebut baru-baru ini.

Beliau berkata, Stadium Hoki Kuala Lumpur di Jalan Pantai Baharu, yang menempatkan pejabat PHKL, dipilih sebagai venue utama bagi liga yang mula dianjurkan sejak 80-an itu, manakala Stadium Hoki Tun Razak di Jalan Tuanku Abdul Halim dan Stadium Hoki Nasional di Bukit Jalil sebagai venue tambahan.

Sementara itu, karnival veteran selama sehari yang akan menggunakan format enam sebelah melibatkan dua kategori umur iaitu 40-47 tahun dan 48 tahun ke atas dijadual dilancarkan pada 31 Ogos ini.

- Bernama